

330. *Adelheid, Aebtissin zu Quedlinburg, giebt ihre Zustimmung, dass Hermann Kursho, Bürger daselbst, an den Canonicus Bernd von Meidebeke 2 Hufen Land Lehengutes für 100 Gulden Rheinisch wiederkäuflich verkauft mit der Bedingung, dass er dieselben gegen 6 schwarze Mark jährlich in Pacht behält. 1434. Jan. 6.* 5

Van der gnade goddes we Alheit van Isenburch, ebdissche des werliken stichtes sancti Servacii up der burch Quedlingburg, bekennen in dussem unsem open vorsegelden breve vor alseweme de on sehen edder horen leszen, dat de ersame Herman Cursho, borgher in unser Olden Stad Quedlingburch, myt unseme guden willen und orlove recht 10 unde redelken hefft vorkofft tu houve landes lehengudes, de in vortyden Hans Westvals gewesen sin unde ghelegen sin in deme velde to Groten Callersleve, vor hundert gude Rinsche gulden deme erbaren heren hern Bernde van Meydebeke, canonike up der burch Quedlingburg, de he deme genanten Cursho an reiden golde wol to danke over 15 gegeven unde betalet hefft. Dar up hefft Cursho de were van syner unde siner erven weghin vor uns up gelaten unde den genanten her Bernde in de hebbende were der twier houve landes rauwelken gewiset unde gesat unde we dussen breff hedde mit syme guden willen in dusser wisze, also hir na gescreven steit, dat de vorscreven Herman 20 wil de tu houve landes beholden under deme ploghe und dez vorscreven heren tinsman dar van weszin unde ome edder hebber dusses breves alle jar up wynachten sesse swarte marg van deme genanten gude to tinse geven unvorthoghin, de wile he de under deme ploghe hefft unde nicht wedder kofft; wu he ok sumich worde an deme tinsze 25 edder oft he des genanten gudes nicht lenger hebben wolde under deme ploge, dat schal he deme heren ergenant to rechter tijd witlik don, dat he denne der twier houve landes mit oren tobehorungen bruke, wu oheme dat bequemest is unde hebber dusses breves. Ok so hefft her Bernt vorenant Herman Cursho und sinen erven de gnade gedan 30 unde macht gegeven, dat se moghen de tu houve landes wedder copen vor hundert gude Rinsche gulden welkes jares se willen na dussen negisten tokomende sesse jaren na giff dusses breves, so vorder dat se dat eyn verndel jares to vorn vorkundigen und geven denne na vorlopinge der tijd hundert gude Rinssche gulden an golde und nicht an 35 ander weringe, als he de up genomen heft, her Bernde edder hebber dusses breves mit sime guden willen mit dem tinse und oft wat dar ane vorseten were vul und wol to danke. Des to orkunde geve we Alheid up genant deme vorenanten her Bernde und hebbern dusses breves dussen breff besegilt mit unsem ingesegel unden angehenget. 40 Unde ek Herman Cursho bekenne in dussem unser gnedigen frowen breve vor mek und rechten erven efte erfnamen, dat ek dussen cop, also vor gescreven steit, gedan hebbe, und rede und love den in aller mate also to holdene mit mynem erven efte erfnamen ane allerleige argelist. Des to merer wissenheit so hebbe ek vor mek myne erven 45